



# DEN NORSKE KYRKJA

Stavanger bispedømmeråd

Til mottakarar av tilskot til diakoni,  
undervisning og kyrkjemusikk, jfr. oversikt  
nedenfor

Dato: 16.04.2024

Vår ref: 24/01221-1

Dykkar ref:

## Tilskot til diakonstillingar, kateketar og kyrkjemusikk i 2024

Stavanger bispedømmeråd gjev tilskot til diakon- og kateketstillingar til kyrkjelege fellesråd i Stavanger bispedømme. Tilskotet kjem frå staten si tildeling til Den norske kyrkja, via Kyrkjerådet.

I dette brevet finst informasjon og rammer for tildelinga som gjeld alle som tek imot tilskot.

I utgangspunktet er nivået på tilskotet auka med 4,21 % frå 2023. Kyrkjerådet har vedteke at 0,3 % skal settast av til kvalifiseringsstipend for kyrkjemusikarar, tilsette i undervisning og diakonimedarbeidarar. Det betyr at det då blir ei netto auke på 3,91 % til bispedømene sine tilskot til trusopplæring, diakoni, undervisning og kyrkjemusikk i domkyrkjene.

I 2024 vil tilskota vera på:

- Kateket eller diakon som oppfyller kvalifikasjonskrava i tenesteordninga:
  - inntil kr. 840.000 for 100 % stilling.
- Kyrkjelydspedagog eller diakonimedarbeidar:
  - inntil kr. 680.000 for 100 % stilling.
- Ny diakonstilling frå 2019 eller 2020:
  - inntil kr. 420.000 for 50 % stilling.

Nivået på tilskotet framover er avhengig av at tildelinga frå Kyrkjerådet til dette føremålet blir vidareført slik ho har vore i lang tid.

Det er avtala kor stor del av kvar stilling bispedømmerådet skal dekkja. Nokre kateketstillingar har tilskot i 100 %. Elles ligg det fast at bispedømmerådet ikkje dekker meir enn halvparten av lønsutgiftene, inntil den prosenten som er avtala.

Stavanger bispedømmeråd utbetaler det samla tilskotet for 2024 til fellesråda så fort som mogleg etter fellesrådet har levert rekneskapsrapport for 2023. Viss fellesrådet ikkje har brukt heile tilskotet for eit år til løn til bispedømmerådet sin del av stillinga, blir dei pengane fellesrådet då sit igjen med trekt frå utbetalinga for det inneverande året.

Rekneskapen skal rapporterast på fastlagt skjema. Skjema for rapportering ligg nedst på [nettsida for tilskot](#). For dei fellesråda der ein mottek fleire typar tilskot skal det sendast inn ein rapport for kvar kategori (diakoni, kyrkjemusikk eller undervisning). Dette treng me for å ha oversikt i arkivet.

Bispedømmerådet bed om melding viss ein kyrkjelydspedagog eller diakoniarbeidar blir fullt kvalifisert. Dette utløyer høgge tilskot. Bispedømmerådet bed også om melding viss ein fullt kvalifisert kateket eller diakon sluttar og stillinga blir gitt til ein medarbeidar som ikkje er fullt kvalifisert etter tenesteordninga.

Rekneskap for den tildelte summen for 2024 skal innrapporterast til bispedømet så snart som mogleg i 2025, men seinast innan 15. mai 2025. I tillegg skal revisjonsberetninga til fellesrådet sendes bispedømmerådet så snart ho finst.

Tidleg rapportering medfører tidleg utbetaling.

Tilskot til kyrkjemusikalsk arbeid ved Stavanger domkyrkje blir på kr. 150.000.

Takk for samarbeidet om kyrkjeleg undervisning, kyrkjemusikk og diakoni i sokna i Stavanger bispedømme.

Med helsing

Jorunn Kraft Vistnes, e.f.  
stiftsdirektør

Anita Skretting  
rådgjevar trusopplæring

*Dokumentet er elektronisk godkjend og har difor ingen signatur.*

,

**Mottakarar:**

| <b>Fellesråd som er mottakere av tilskudd diakoni og undervisning:</b> | <b>Org.nr.</b> |
|--|----------------|
| Eigersund kirkelige fellesråd  | 976 993 144    |
| Haugesund kirkelige fellesråd  | 976 993 454    |
| Hjelmeland kirkelige fellesråd   | 976 993 780    |
| Hå kirkelige fellesråd   | 976 993 543    |
| Karmøy kirkelige fellesråd   | 876 994 062    |
| Klepp kirkelige fellesråd  | 976 993 586    |
| Lund kirkelige fellesråd   | 976 993 497    |
| Randaberg kirkelige fellesråd  | 976 993 705    |
| Sandnes kirkelige fellesråd  | 971 337 788    |
| Sola kirkelige fellesråd   | 976 993 691    |
| Stavanger kirkelige fellesråd  | 976 993 403    |
| Strand kirkelige fellesråd   | 976 993 748    |
| Time kirkelige fellesråd   | 976 993 616    |
| Tysvær kirkelige fellesråd   | 976 993 993    |